

Д а м ш л т т а п р о п а г а н д и с т

Целинн района колхозин болн совхозмудин фермст, бригадст, кеерин хошмудт дундин наста, теглг нургъта, эцсн хар-улан залуг данъгин ўздж болхмн. Эн—КПСС-н райкомин пропагандист ўр Э. Лакаев.

Эрдни Лакаев джиргълин ик дамшлтта, сән сургъульта коммунист. Тõрскән харслгъна Алдр дӑӑнд офицер нертӑ орлцад, кӑнд шав авад, церглгънӑс гарснӑннь хõбн, бийиннь медрлӑн олзлдж кõдлӑд, советск олн-ӑмтнӑ, коммунизм тосххин тõлӑ ноолдлгъна тӑрӑн зерглӑнд йовна.

КПСС-н райкомд удан суухдан ўр Лакаев дуран тусхахш. Лекцӑн бел кедж авад, адгъдж бригадс, фермс орад гарна. Пропагандист эн джил зõвӑр олн лекцс кõдлмшчнрт болн колхозникудт умшдж õгв. КПСС-н ХХ-ч хургин тууджлгч шиидврмӑдин, КПСС-н ЦК-н февральск, майск, июньск Пленумсин шиидврмӑдин тускар нарт делкӑн бӑӑдлин тускар, нань чигн тõрмӑдӑр ол дакдж энӑнӑ лекцсиг таастагъар района кӑч-кõлсчнр сонъсцхав.

✪ Пропагандист бийиннь õмн тӑвӑд, эркӑн уга кӑцӑдг ах

некврнь—лекцӑн сӑӑнӑр белддж, олнд амрар медгддг болдгар келгън. Лекцӑн эн хальмг болн орс келӑр умшна. Энӑнӑ лекцс сонъсцхасн хõбчнр, малчнр цугтан цӑӑлгъврнь гӑн, келнь тодрха медгднӑ гидж буульдж келцхӑнӑ.

Ода пропагандист ўр Лакаев Ближнь болн Среднь Востокд арабск олн-ӑмтнӑ õмнӑс американ-английск деермчллгън болджахин тускар олн кӑч-кõлсчнрт кӑргдж келӑд, эднӑ политическ шунмгъагъинь õбдлӑлхд ик демӑн кӑргджӑнӑ.

Я. ДЖАМБИНОВ.